

جريدہ عليہ

مسنخت جليلہ اسلاميہ نك جريدہ رسميه سبدر

رمضان ، شوال سنہ ۱۳۴۰

عدد ۷۵،۷۴

شمديلك آيدہ بر نشر اولنور

برنجي سنہ

اخلاق سنیه رسالتپناهیدن برنبذه

رسول اکرم افدمز حضرتلرینک اک عالی برفضیت اولان شجاعتدهده هرکسه فائق اولدقلری متفق علیهدر .

صاحب سعادت افدمزه قارشواک شدید برحس عداوت پرورده ایدن ، هرفرصتدن بالاستفاده ذات والای پیغمبرییه اذادن خالی قالمایان مرده کفساردن بریده « ابی بن خلف » اسمنی طاشیان هیکل شقاوت ایدی . برکون علیه الصلاة والسلام افدمزه : برآتم وار ؛ سچیلمش اینجو دانسی کی آرپه ایله بسیله یورم ؛ او آتک اوزرنده اولدیغم حالد سنی قتل ایده جکم دیدی . رسول اکرم افدمزه : انشالله او آتک اوزرنده بن سنی قتل ایدرم بویوردیلر . فی الحقیقه مورد وحی صمدانی اولان نبی محترمدن صادر اولان بوسوز احد غزوه سنده یرنی بولدی . معلومدرکه خذله مشرکین طرفندن بو غزوهده ارتکاب ایدیلن وحشتلر ، سباعتک افتراساتندن داها مدهش ، داها موحش ایدی . مشرکله شهدانک بورونلرنی ، قولقلرنی کسدیلر ؛ قادینلر بواعضای مقطوعه یی کردنلک ، بیله زیک کی بویونلرنه ، بیلکلرینه طاقدیلر .

رسول اکرم افدمز بو غزوه اثناسنده حسب الايجاب اصحاب کرامدن بعضیلر یله طاغدن طرفه چکیلر شلرایدی . انتهاز فرصته مترقب اولان « ابی بن خلف » معهودآنه سوار اولدینی حالد : محمدزده ایسه بکا کوسترک ! دیهرک کولونج برادای تجلدوتمردله شجاعت عرض ایتمکه باشلادی . اجلنه صوصامش اولان بوبدنختک کستناخانه تقریه ایلیمکه اولدیفنی کورن اصحاب کرامدن بعضیلری : یارسول الله مساعده بویوریکزده بریمز کیدوب شونک حقندن کله لم دیدیلر . علیه الصلاة والسلام افدمز اصحاب کرامه : براقیکز کلسون بویوردیلر . ملعونک بی محابا آت سورمکه باشلادیغی مشاهده بویورنجه خارث بن صمنک حرب سنی الوب او تمثال شقاوتک باشنه ایندیردیلر . « ابن خلف » قضای اسمانی کی بیننه این بوضربه نک تأثیریه درحال اینجو دانسیله بسیله دیکی آتک طیرناغی دینه یووارلاندی ؛ کندیسسند : محمد نبی اولدیردی دیبه فریاد ابد جک قدرتن باشقه قوت و قدرت ، چاره خلاص قالمادیفندن برقاج رفیق امدادینه یتشوب موت محققدن قورتامق ایسته دیلر ایسه ده مکة مکرمه یه کوتوریلر ایکن « سرف » نام محله مأوای واپسینی اولان دار بواره کتیدی .

مكة مكرمه نك فتحنده رسول اكرم افندمن بيت شريفى طواف ايدبورلر ايدى . او
 فاضاله بن عميرده حريم بيت شريفده بولنقمده ، ذهندن غايت فجيح ، غايت خائنه
 فكرلر كچيرمكده ايدى . صاحب سعادت افندمن فاضاله نك ظلمت سراى قلبنه مستولى
 اولان افكار فاسديه قوت نور نبوتله مشاهده بووردقلرندن ياننه تقربله : سن فاضاله
 دكليسك ؟ ديديلر . فاضاله ده : اوت يار رسول الله ديدى . رسول اكرم افندمن تكرار :
 شودقيقه ده كوكلكدن نذر كچيوردى ؟ ديه سؤال بوورديلر . مضمرات فائده سنى هر كسندن اينى
 بيلن فاضاله ، نبى اكرمك بو سؤالندن شاشيروب : يار رسول الله حق تعالى حضر تلىرى ذكر ايدبور
 ايدم ! ديه بيلدى . بونك اوزرينه فخر عالم افندمن تبسم بو يوروب يد سعادتلىرى فاضاله نك
 قلبي اوزرينه قويدقن صوكر : يافضاله استغفار ايت ! بو يورديلر . يد سعادت پيغمبرينك
 تماسى ، فاضاله نك بردقيقه اول پك يامان حسله له پرهيجان اولان قلبنده عظيم برسكون ، بر
 انقلاب حصوله كيتيردى . ايشته بو انقلاب يا خود تقليدركه فاضاله يه دائما : رسول الله اليى
 قلبه نك اوزرينه قوياق قويماز ، قلبمده كنديسنه قارشى اويله بر محبت حاصل اولدى كه نم ايجون
 عالمده محمد عليه السلامدن باشته سويله جك برشى قالمادى ! سوزى تكرار ايتديرر ايدى .
 بوتقيلدن اول ، ابى بن خلف نه ايسه هيچ شبهه يوق كه فاضاله ده اونك عيى ايدى .
 فقط برينك شقاوتى ازلى اولدينى ايجون هيچ برشيدن متأثر اولدى . ديكرينك شقاوتى
 عارضى اولديغندن نبى اكرمك تماس يدعليارى بر كاتيله در حال سعاده مبدل اولدى .
 غزوه ذات الرقاعده وقوعه كلن شوحادهده پيغمبرمك دليل شجاعيتدر . رسول
 اكرم افندمنك ياغوردن ايصالنمش اولان لباس سعادتلىرى بر اغاچه آصوب
 استراحت بو يورمقده اولدقلىرى اوزاقدن كورن مشركر ، رئيسلرى غورث بن الحارثه :
 نه دور يورسك ايشته محمد شو اغا جك آلتنده تك وتنها ياتيور ؛ هان كيدوب ايشينى بيتير .
 ديديلر . بوتكليفى متعاقب « غورث » ارامكاه پيغمبرى يه كلوب نبى محترمه : بوكون سنى
 بنم المدين كيم قورتارير ؟ دنجه صاحب سعادت افندمن اصلا اثر تلاش اظهار بو يورمبوب
 وقار وتمكين رسالتله مؤيد بر اداى جلادته : الله ! ديديلر .

غورث بن الحارث لعظة اللهك برق جلاليله اريوب النده كى قليچ يره دوشدى .
 فخر عالم افندمن قليچى يردن آلوب غورثه : سنى بنم المدين كيم قورتارير بو يورديلر .
 نتيجه حالى بك يقيندن كورمكده اولان غورث مدد توفيق سبحانيله در عقب كلين شهادتينى

سیف صارم نبوی یہ قارشو سپر سعادت و سلامت آنخا ایدہ رک حیات دنیویہ و اخرویہ سی
قورتاردقدن صو کر ایدوب قومنی دہ ایمان و اسلامہ دعوت ایتدی .

ان الرسول لسیف یستضاء به

مهند من سیوف الله مسلول

بیت شریفنک مفاد عالیسنجه شعشعه انواری عبون عالمیانی قاماشدیران سیف مسلول
السمی یہ قارشو غورث بن الحارث کبی بر آواردنک النده کی دمیر پارچه سنک نه حکمی
اوله بیلیر ایدی ؟

مبحث

حبيب خدا عايله اكمل النجايا افندمن حضر تلرينك اكل و شرب خصوصنده کی سنن
سنیه رسالت بناهیلرنده امت مسعوده لری ایچون موجب عبرت و اتباه اوله حق پک چوق
شیلر واردر . اكل و شرب دینیلن ایکی امر ضروری عافیت دین و دنیا ایچون لابد
اولان قوام بدنك شرائط عادیه سنندن اولدیغندن جناب حق فرقان حکیمنده « کلاوا
من الطیبات و اعملوا صالحا » بویورمشدر . آیت کریمده ذاتاً و وصفاً خلال اولان شیلرک
تناولیه بالنتیجه اکتساب ایدیله جک قوت و قدرتک دین و دنیا یه عائد اعمال صالحه یه
صرفی فرمان بویوریلور . رسول اکرم افندمن هر شیده اولدینی کبی اكل و شرب خصوصنده
مقصود بالذات اولان غایه علیانی نظر اعتباره آلیرلر ، اونک حصولنه مدار اوله حق
قدر یسیر ایله اکتفا بویوریرلر ایدی ؟ اوغایه ده قائمه وظائف عبودیت در . انسانیتی الیم
وروطه لره سور و کله یں ، کونک برنده جمعیت بشریه یه التیامی غیر قابل یاره لر آچه جنی
پکده مستبعد اولمیان سوائق الیمه نك الك مؤثری اونه دنبری انسانلر آراسنده حکمفرما
اولان میل ترفه در . بومیل ، علی الاکثر ضروریات بشریه دن اولان اكل و شرب ایله
باشلا یوب علی الدرجات لوازم حیاتیه نك کافه سنه سرایت ایتش ، فی یومنا هذا تهدیدکار
برصورتہ اقتران ایلشدر .

بلا تردد دینه بیلیرک : آتی نقطه نظرندن بوتون ملتلی شدتله علاقه دارایدن تشوшат
اجتماعیه نك منشأ اصلیس هیج شبه یوق که جهان انسانیتک اکثریت غالبه سی آراسنده
حکمفرما اولان میل ترفهله بومیلک مستبتعات معلومه سیدر .

میل ترفه اسرافه ، اسراف حقوق غیرک ضیاعنه مؤیددر . اسراف و تبذیر آلیشانلر

حدود اللهی تجاوزدهده باس کورمز لر . اونلر ایچون هرشی مباحدر ، نفسک مشبهاتی
تحصیله وسائط مشروعه کافی دکل ایسه درحال غیرمشروع وسائطه مراجعت ایدر لر .
خلاصه مفاسد اجتماعیه نك همان کافه سی اسراف وتبذیرك باعنی اولان میل تر فهدن منبعث ،
میل تر فهدك ایلک عنصری ده بوغاز مسئله سی اولدینی شبهه دن وارسته در .

پیغمبرمزدن صادر اولان حقایق جهان انسانیت بوکون تصدیق ایتمز ایسه یارین ،
یارین تصدیق ایتمز ایسه او برکون همه حال تصدیقه مجبور اوله جقددر . حالا انکار ایله
چکیریلن برکون استقبالاً بو حقایقك شواهد مؤیده سی عدادینه التحاق ایدمك ، حقایق
اسلامیه نك صدقه کوترك سترك دکل ، عصرلرک شاهد عادل اولدینی کوریله جکدر .

اکل و شرب خصوصنه عائد احادیث شریفه دن بری اولان (مامله ابن آدم وعاء
شرا من بطنه حسب الادمی لقیات یقمن صلبه فان غلبت الادمی نفسه فثالث للطعام وثالث للشراب
وثالث للنفس) حدیث شریفك مال منیفی لایتنغیر بر قانون صلاح وعافیددر . حقیقه انسانك
دولدر دینی قابل میاننده قارندن داها یاراماز برقاب یوقدر . چونکه مسئله بالکنز اوئی
دولدر مقدمه دکل ، دولدر نتیجه قدر ارتکاب ایدیهك معاصیده در . ظلم ، قتل ، سرقت ،
غصب ، ارتکاب ، ارتشا حقوق غیری احما کی نه قدر فضایح وارسه کافه سنك امری ،
قوماندانی بظندر . منبع شرور ومفاسد اودر .

احادیث نبویه دن برنده :

« اخشی ماخشیت علی اهل کبر البطن = ومداومة النوم والکسل وضعف الیقین . »

بو بوریلور که مال منیفی اتم حقنده الک زیاده قورقدیم شی قارن بو یوکلکی ، اویقویه
مداومت ، تنبلك وضعف یقین در . ضعف یقین دیمک اولوم ، محاسبه اعمال ، عذاب
آخرت کی محقق الوقوع اولان شیرله وقوع بولیه حق نظریله باقق ، بالنتیجه اقامه وجائب عبودیتده
تهاوئی یاخود ارتکاب معاصی کونا کونه مؤدی حالاتی خوش کوره جک مرتبه ده مغلوب
غفلت اولمق دیمکدر . زیرا انسانك یقیناً معلومی ، معتقدی اولان برشیده تجوز تهاون
ایتمی غیر ممکندر . امور آخرت حقنده کی تهاوئی اونلر حقنده کی اعتقادینك مرتبه یقینه
واصل اولماسندن ، داها دوغریلی بر دقیقه سی بیله کیمسه نك تحت ضماننده اولمالیان
عمر مستعارینه کندی زعمنجه بر حد بعید وزمان مدید تعیین ایدوب کونک برنده اعاده
مافات ایدیه بیله چکی فکر یله متسللی اولمسندن منبعثدر . حال بوکه انسان ایچنده دمکدار
اولدینی کاشانه امیدك سراب امانیدن باشقه برشی اولمدیغنی کورمك کوزه صاحب اولسه

عمرینک بر دقیقه سنی بیلہ ماخلق اہنک غیریہ صرف ایدہ مزہ . طول امل وضعف یقین .
ایستہ انسانلر ایچون ایکی عدو مبین !

حضرت عایشہ رضی اللہ عنہا دن مروی اولدیفنه کورہ رسول اکرم افندمز شیع تام حصولہ
کتیرہ جک مرتبہ دہ طعام بویورما مشلردر . زوجات طاہراتلرندن طعام ایستہ مزلر ایدی ،
ماحضردن نہ تقدیم ایدیلیرسہ آنکله اکتفا بویوروب جناب حقہ حمدو ثنا ایدرلر ایدی .
مشار الہا . حضرتلرینک بو خصوصہ کی روایات علیہ لرندن بری دہ بودر : رسول
اکرم آخر عمر سعادتلرینہ قدر برکوندہ ایکی طعامدن مبارک قازنلرینی دویورمدیلر .
آرہہ اتمکی یدکلری کون خرماندن دویمازلر ، خرما تناول بویوردقلری کوندہ آرہہ
اتمکسندن دویمازلر ایدی .

حضرت جابر رضی اللہ عنہ دیورکہ : رسول اکرم برکون المدن طوتوب بنی خانہ
سعادتلرینہ کونورما مشلر ایدی . اہل بیت رسول ، حضور سعادتہ براز اتمک کتوردیلر .
فخر عالم افندمز قاتق ایدہ جک برشی یوقی بویوردیلر . سرکہ دن باشقہ برشی یوقدر
دیو جواب ویرلدی رسول اکرم افندمز دہ : سرکہ نہ کوزل قانقدر بویوردیلر .

فخر عالم افندمزک برقاچ کیجہ برشی تناول بویورمدقلری واقع اولورایدی . آقشام
طعامنی قید ایتزلر ایدی . حتی بعض آقشام اہل بیت نبویلرینک صویا خود خرما ایلہ افطار
ایتدکلری بیلہ اولورایدی . علی الا کثر آرہہ اتمکی تناول بویوریرلر ایدی . اتمکی احضار ایدنلراونی
نہلہ مزلر ، یالکیز کپکینی اوفلہ مکله اکتفا ایدرلر ایدی . سعد حضرتلرندن رسول اکرمک
« خبز نقی » یعنی تمامیلہ کپکی آلمش خاص اتمک تناول بویوروب بویورمدیغنی سؤوال
ایتدیلر ؟ حضرت سعد : رسول اکرم ، اللہ عزوجلہ ملاقی اولونجہ یہ قدر خاص اتمک تناول
بویورمدی دیہہ جواب ویردی .

برکرہ نبی اکرم افندمزک ہرشی کبی اکل و شرب خصوصندہ دہ التزام بویوردقلری
بساطتہ ، برکرہ دہ ملوک و سلاطین ، رجال و کبار دہ مشہود اولان میل ترفہہ ، اسباب
تجملہ باقیلہ جق اولورسہ آرادہ کی فرقک ارض و سما آراسندہ کی مسافہ قدرچوق اولدیفنی ،
یدیکمز یمکلر ، برید اعجاز ایلہ تحلیل ایدیلہ جک اولسہ ہر ذرہ سندن فقرا وضعفانک
قانی کوز یاشلری ترشح ایلدیکی کوردیلر .

